

also solcher Gestalt/ daß das Fürstliche Wapen oben/ vnd die Scala Altimetra unten komme/ vnd daß die zwei Creuzlinien auff diesem Abdrucke/ just auff die ander Creuzlinie/ die du auff das Bret gezogen/ oder gerissen hast/ zu liegen können/ oder just auff einander treffen: Wenn das alles ganz just geschehen/ so hastu das Bretlein fertig/ ohne das Magnethäuflein/ welches du von einem Hölzern Compas machen/ vnd zu rechte schneiden lassen kanst/ vnd unter die Scala Altimetra auff den Ort/ da der kleine runde Circkel gerissen ist/ des Brets einlegen vnd verleimen.

Nach diesem las dir von gutem Schreibpapier eine Pappe/ bei dem Buchbinder/ zurichten/ in folio, vngesehr 12. Blätter dicke/ vnd daß sie mit gutem festem Kleister gepappet werde/ vnd in einer Schrauben zwischen zwey Bretter gespannet/ wol trucken werden lassen/ als denn soltū auff diese Pappe das Rete fleißig auffziehen/ wie dich dein Verstandt selber wolslernen wirdt/ Imgleichen ziehe auch darauff an ein Ende besonder/ die kleine Regel/ darauff die gradus der Declination vom Aequatore verzeichnet seyn/ vnd wenn es trucken ist/ so las dir das Rete bei einem Fischaer oder Schreiner fein rehnlich durchschneiden/ also/ daß der Aequator vnd der Zodiacus, vnd das Creuz/ so vom Steinbock/ Krebs/ vnd von dem Wieder vnd Wage abgehet/ stehen bleibe/ im gleichen auch die Zacken oder Spitzen/ darauff die Sterne stehen/ oder dadurch angezeiget werden/ stehen bleiben/ vnd daß es nicht schlim/ sondern fein iust gleich durchgeschnitten werde/ sonderlich vmb den Zodiacum herumb/ vnd inwendig dem Aequatore, wie du wohl selbst wirst verstehen können/ nach diesem las dir beym Schreyner oder Fischaer auch die grosse Regel machen/ wie sie auff dem Abdruck des Limbi Astrolabij verzeichnet ist/ vnd zu rechte schneiden/ also/ daß eine Seite stehen bleibe/ vnd die eine/ hart in der Linea fiduciae abgeschnitten wirdt/ wie dich denn dein Verstandt wol wird lehren/ doch ist's besser/ das du zuvor den Abdruck darauf ziehest/ vnd trucken lebst/ vnd denn erst hernach die Regel zu rechte schneidest/ darnach mach von Holz zwey kleine Pletlein zum Abschaffen/eins mit A. das ander mit B. verzeichnet/ vnd leime es mit guten festem Leime an zweyen Enden auff die Regel/ vnd neben etwas daran/ daß es nicht leichtlich abrechen kan/ vnd bore denn zwey Löchlein/ darein also/ daß dieselben gleich mitten über der mittel Linea fiduciae zustehen kommen/ vnd daß sie gleiche weit vom mittel Centro der Regel zustehen kommen/ nach diesem bohre durch Bretlein iust gleich mitten durch das Centrum ein Löchlein/ so groß/ als es auff dem Abdruck verzeichnet ist/ oder ein wenig grösser/ es gilt gleich/ imgleichen bohre in solcher weite auch das Löchlein mitten durch das Rete/ vnd die benden Regeln/ vnd las dir ein Hölzern Nagel darein drehen/ der iust hinein gehe/ vnd setze dann das Rete/ sampt den benden Regeln zusammen auff das Bretlein vnd die grösst mit dem Abschen hinten an Dorsum Astrolabij, die kleine aber vom Pappe gemacht/ forne auff das Rete/ vnd mache ein Stifft dafür durch den Nagel/ so ist das Astrolabium zusammen gesetzt/ vnd wenn du ein Schnürlein oben in das Löchlein des Gehengs gemacht hast/ so ist

Nota.

Linea fiduciae.